

中國方志叢書·華中地方·第一八一號

據

清·陳加儒修，雷育仁纂
乾隆十八年刊本


影印

浙江省

宣平縣志

(一)

成文出版社有限公司印行



中國方志叢書·華中地方·第一八一號

據

清·陳加儒修，雷育仁纂
乾隆十八年刊本

影印

浙江省

宣平縣志

(二)

成文出版社有限公司印行



10105956

中國方志叢書·華中地方·第一八一號

據

清·陳加儒修，雷育仁纂
乾隆十八年刊本


影印

浙江省

宣平縣志

(三)

成文出版社有限公司印行



中華民國六十四年 月臺一版

宣平縣志

全三冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

序

吉璣

周禮地官誦訓掌方志以詔
觀事以知地俗此志所自肇
也我

朝重熙累洽文明大脩內有一
統志以集天下之成外有通

志以括一省之槩其次郡邑
亦皆有志蓋以志也者上考
星分下稽疆域兼述人事星
分與疆域往籍可憑也若夫
人事則田賦戶口有盈絀城
池公署有興廢禋祀官司兵

戎選舉有增損裁留必詳加
蒐討斯能瞭如指掌至於人
材之彪炳物產之孕育莫不
分門別類釐然脩舉而孤芳
竒節足以樹軌於後世者亦
皆採擇靡遺志之體乃稱完

脩明景泰辛未割麗水縣北
之宣慈應和懿德三鄉置邑
曰宣平重岡複嶺形勝險固
宣亦枯之巖邑也乾隆十六
年冬余奉

間命分巡甌括兩郡十七年夏行

部入宣流覽竹客曳嶺石門
諸山幽邃峭拔其間村落參
差田疇高下男耕婦織樂業
安居宣之民何莫非

至天子德澤所涵濡得以宅爾宅
田爾田群游於熙皞哉迨披

縣之舊乘悉屬抄綴方慮魯
魚亥豕漸易傳訛迺邑令隣
水陳君銳志修輯訪耆舊之
見聞嚴事蹟之浮濫疑不叅
信文不過情勒成全書為綱
十一目七十有七得卷十六

請余言弁其端余惟為宰者
必舉一邑之山川文物風土
人情歷歷胸有成竹然後施
之政事中其肯綮今縣志告
竣司此土者可以按冊講求
催科何以使之不擾訟獄何

以使之潜消田土何以使之
盡闢學校何以使之振興一
切興利除弊之治勉焉勿怠
將見宣雖彈丸邑而日臻上
理比戶可封他日輶軒蒞止
稽諸紀傳所載更駸駸乎有

進焉者如謂山林景物之美
斷碣赤綬之文其後焉者也
是為之序

時

乾隆十八年歲次癸酉季夏

望日

誥授中憲大夫

行簡浙江分巡溫處道按察使司
副使加二級紀錄十二次
雲間朱椿撰



序

攷周禮宗伯之屬外史掌四方之志知昔聖人建邦出治未有不以志乘爲當務也蓋古者列國各有史以備記載史氏掌之自秦廢邦國爲郡縣制度旣更官職亦缺而記載之責遂以屬之官斯土者

宣陽彈丸地耳明景泰中始
置邑迨及

本朝重熙累洽人道化成百年
之間戶賦之殷繁人文之鍾
毓直與都會相埒邑侯陳君
治事逾一載目張綱舉百廢
具興案牘之下慨舊志之散
失乃偕前令雷君從事纂修

書成請序於余余忝守斯土
志乘之事與有責焉寧敢辭
序余維作志之難也有三守
空疎者考核未宏而師心自
用妄而不可以信也矜淹博
者折衷寡當而泛濫無歸謬
而不足以傳也乃若博稽遠
蒐挈領提綱筆削之餘自謂